

Na osnovu člana 5. Pravilnika o obaveznom isticanju simbola i intoniranju himne Bosne i Hercegovine u osnovnim i srednjim školama na području Tuzlanskog kantona, te odabiru i intoniranju svečane pjesme u osnovnim i srednjim školama čiji je osnivač Skupština Tuzlanskog kantona („Službene novine Tuzlanskog kantona“, broj: 13/05) i člana I Odluke o raspisivanju konkursa za odabir svečane pjesme broj: 10/1-11-027295-1/25 od 23.9.2025. godine, Ministarstvo obrazovanja i nauke Tuzlanskog kantona, raspisuje

**Javni konkurs za odabir svečane pjesme koja će se intonirati
u osnovnim i srednjim školama čiji je osnivač Skupština Tuzlanskog kantona**

I

Raspisuje se Javni konkurs za odabir svečane pjesme koja će se intonirati u osnovnim i srednjim školama čiji je osnivač Skupština Tuzlanskog kantona.

II

Kompozicija svečane pjesme mora ispunjavati sljedeće uslove i kriterije:

- trajati od 60 do 120 sekundi,
- biti napisana na bosanskom, hrvatskom ili srpskom jeziku,
- biti originalna i prethodno neobjavljena,
- razvijati svijest o pripadnosti državi Bosni i Hercegovini,
- njegovati odgojno-obrazovne vrijednosti,
- odražavati geografski, historijski i kulturni identitet Bosne i Hercegovine;
- biti pogodna za izvođenje hora i imati izraženu muzičku dinamiku u skladu sa karakterom svečane pjesme.

III

Pravo učešća za odabir svečane pjesme imaju fizička lica s prebivalištem u Bosni i Hercegovini u svojstvu autora ili koautora.

IV

Prijava na Javni konkurs vrši se na prijavnom obrascu koji se može preuzeti, uz tekst Javnog konkursa, na internet stranici Ministarstva obrazovanja i nauke Tuzlanskog kantona (prijava se podnosi za jednu kompoziciju).

Uz prijavu se prilažu i sljedeći dokumenti:

1. Uvjerenje o državljanstvu ne starije od 6 mjeseci – original ili ovjerena kopija (dostavlja se za svako fizičko lice koje je sudjelovalo u izradi svečane pjesme),
2. PBA1 obrazac dokaz o prebivalištu- original ili ovjerena kopija (dostavlja se za svako fizičko lice koje je sudjelovalo u izradi svečane pjesme),
3. Biografija autora/koautora
4. Izjava kojom se pod punom materijalnom i krivičnom odgovornosti izjavljuje da je kompozicija originalna, odnosno da nije prethodno objavljena, te da će se po izboru svečane pjesme autorska prava prenijeti na Ministarstvo obrazovanja i nauke Tuzlanskog kantona - izjava ovjerena kod notara ili nadležnog organa (izjavu dostavlja autori, odnosno članovi autorskog tima).
5. Posebno zatvorena koverta sa obavezno ispisanom šifrom na poledini koverta sa sljedećim elementima:
 - a) tekst pjesme (u word ili pdf formatu),
 - b) notni zapis (u pdf formatu),
 - c) audio snimak (u mp3 formatu) na odgovarajućem nosaču zvuka (CD ili USB stick).

V

Odabir svečane pjesme izvršit će se u skladu sa Pravilnikom o obaveznom isticanju simbola i intoniranju himne Bosne i Hercegovine u osnovnim i srednjim školama na području Tuzlanskog kantona, te odabiru i intoniranju svečane pjesme u osnovnim i srednjim školama čiji je osnivač Skupština Tuzlanskog kantona („Službene novine Tuzlanskog kantona“, broj: 13/05).

VI

Za autora/koautore prvorangirane kompozicije osigurana je nagrada u neto iznosu od 5.000,00 KM poslije oporezivanja.

VII

Prijava se podnosi u zatvorenoj koverti, uključujući i posebnu zatvorenu kovertu sa šifrom, na adresu Ministarstva obrazovanja i nauke Tuzlanskog kantona putem Centralne pisarnice kantonalnih organa TK (ulica Fra Grge Martića, broj 8, 75000 Tuzla), sa naznakom „Prijava na Javni konkurs za odabir svečane pjesme – ne otvaraj“.

MINISTARSTVO OBRAZOVANJA I NAUKE